

太素脈訣

下

體仁彙編卷之二

廬陵彭用光新編

春太素肝脉訣

肝脉論見喜

弦脉由來本是肝貴占憑此亦偏歡亥卯未來多利

益寅卯天恩及轉官

彭用光曰少陽厥陰主功名貴達顯耀喜慶全在此宮

肝脉主貴

要知職位膽中看勻緩分明又在肝診得弦長終是

貴細沉定是主孤寒

膽氣均勻即有官少年仕路恐難攀

若心部洪勻相
生少年發達

中年決定封侯印名利文章一世安

肝息深沉而流利者

即印綬官之貴
祿中年榮顯

甲乙來而更動更弦為人尊重有威權若還三按都無

斷官高三品一生賢

甲乙太過細尋之先拋頭女與頭兒却有文章多藝

學中年破敗各東西

要知職位少陽看少陰洪應用心觀少年金榜及高

第至老人稱號長官

初年發科必手少陰寸部洪柔與少陽相生方顯貴

厥陰指下盡來長少陽之脉異尋常裁詔定承辰戌

裏中年決定佐朝堂

少陽之下最和柔木到陰宮水順流

無制不弦所以不悠久也為

官只是多閑訟居到朝堂便好休

定居職位膽為先指下弦長珠顆圓此脉若當春季

仲更兼及第在當年

無珠力弱惟一陰處世驅馳只是沉常見一弦宜晚
發寅申己亥不相應

三部寬長是上賢更於膽脉帶長弦豁然應指如龍
動翊贊明君萬萬年

脉來弦緩更分明須信為官顯大名更得寬長來不
澁終身榮貴作公卿

肝脉論清濁

肝臟詩

肝脉輕清貴祿榮堂堂儀貌足人情數逢三八應亨
泰恭謹尤加目秀清

肝脉重濁性如何狼毒無情駭不移不是脉中無貴
氣奈何生骨欠清奇

心臟詩

春見夏體同

心脉輕清應在神聰明接物廟堂人旺者丙丁無疑
滯四七年来貴顯身

心脉重濁主無神性僻情乖終殺身眼視不明終舌

短天亡難得侍雙親

肺臟詩

春見秋體同

肺脉輕清號俊才皮膚潤澤善訖諸看看四九聲名
顯武畧功勲蹈帝堦

肺脉重濁人無義性格貪娛禮更疎貧賤一生無別
事殺因臨忿損身軀

腎臟詩

春見冬體同

腎脉輕清智巧多待人處事更慈和清吉調暢無憂

滯一大相逢貴柰何

腎脉重濁最無情少智多愚主賤貧此部若無清一點平生那得見光榮

脾臟詩

春見四季同

脾脉輕清氣象高為人尊重更英豪數逢戊己須榮顯晚節身安壽莫遙

脾家重濁主風狂無信欺人命不長縱是左心清應指也應濁富不賢良

肝脉見煞

肝微并澁兼沉滯凡病如斯更莫醫尚有破財人不
足骨肉分離事可知

肝脉主灾

本部看看更動遲須言灾病莫狐疑頻頻舉按還無
應夏至灾來骨肉離

震臟木來動滑亢破財詞訟足心憂如毛夭壽分明
斷密地心思不到頭

甲乙如毛命不長浮滑花來事可傷破財詞訟多憂
險及到中年在外鄉

甲乙分明指下遲少年多病實難醫若還舉按仍無
力定須家破主人離

甲乙全然指下沉心中忒忒怕灾臨若無火氣來相
應奴婢逃走定難尋

三部按時但是弦須知忿怒急連天忽然浮大來無
息亦是憂驚事到纏

肝脉見夢

肝實頻來指下寬夢松高樹又登山如虛若在木中
立或在深林暗昧間

春見肝脉

趙石亭曰肝脉沉弦
四十至者位至三公

春來得木是權期采更長條喜應時若見火來居此
位清明時節福相隨

夏見肝脉

夏得木位定無疑金來尅木哭妻兒若到火宮便逢

喜但言二七九方知

秋見肝脉

木部之中忌金來父母須防定有灾水來相救無大
厄相生相順福之媒

冬見肝脉

木到水位喜為先來扶水位喜相連望後即無三五
至一陽之後定官遷

定流年春脉則例

詩曰

木內火來時欣然事可宜居官加祿位求財萬倍歸
思濟堂曰木內火來者乃春該木旺而主事
也足厥陰經中見手少陰經即子母相生而
相逢豈不欣然而可樂乎所以居官必陞
求財必倍家門有喜慶吉祥之事也

春月順時節宣

內經曰春月陽氣閉藏於冬者漸發於外故宜發散

以暢陽氣故有曰春三月此謂發陳天地俱生萬物
以榮夜卧早起廣步於庭被髮緩形以使志生生而
勿殺予而勿奪賞而勿罰此春氣之應養生之道也
逆之則傷肝夏月寒變故人當二月以來早朝空心
桃枝并葉各一握水三升煎取二升以來早朝空心
服之即吐却心膈痰飲宿熱即除不為害春深稍宜
和平將息綿衣晚脫不可令背寒寒即傷肺鼻塞咳
嗽但覺熱即去之覺冷即加之加減俱在早起之時

若於食後日終恐致感冒風寒春不可衣薄令人傷
寒霍亂消渴頭痛春凍未泮衣欲下厚而上薄也大
風大雨皆宜避之東垣曰木在時為春在人為肝在
天為風風者無形之清氣也其時脉當弦而六部俱
見於本脉之中又必緩於四至五至是謂有胃氣脉
經云阿阿緩若春楊柳此是脾家居四季夏秋冬效
此善調者百病不生間有失調或傷冬寒至春發為
溫熱之病故曰寒受熱邪名曰傷寒以左脉浮緊辨

是若當春傷風即病左脉浮緩辨是又有飲食不節
房室勞役過度則為內傷發熱之症當以右脉盛大
辨是治法詳後素問云春傷於風夏生飧泄潛谿論
曰慎起居忍嗜欲薄滋味行陰陽可以却病延年益
壽云

夏大素心脉訣

心部總診脉訣

脉來寬緩更逢春不作賢人亦貴身更若弦洪來不

滯須知超顯異群倫

彭用光曰心為一生之主乃君尊之位也登科文明吉亥發富

清貴全在此宮

心脉之中見土來得財喜慶又添財更加洪滑時時

動出財

去求財必得面得回

心脉均勻指下來平生不滯更無灾年紀定逢二七

至常流妻妾一懷胎

春得弦洪喜慶培但看春夏喜須來若非輔職并婚

娶即是生兒定有財